



Broj: 01/c,02/c-11-1044/25-4
Sarajevo, 3.6.2025. godine

Na osnovu čl. 64. stav (1) i 70. Zakona o javnim nabavkama ("Službeni glasnik BiH" br. 39/14, 59/22 i 50/24) i Zapisnika o pregledu i ocjeni ponuda Komisije za provođenje postupka javne nabavke Zajedničke službe Parlamenta Federacije Bosne i Hercegovine broj: 01/c,02/c-11-1044/25-3 od 27.5.2025. i 2.6.2025. godine, tajnik Zastupničkog doma Parlamenta Federacije BiH i državna službenica koja obavlja poslove iz nadležnosti sekretara Doma naroda Parlamenta Federacije BiH, donose:

ODLUKU

o izboru najpovoljnijeg ponuđača za nabavku i montažu
lifta za osobe s invaliditetom za potrebe Parlamenta Federacije BiH

Član 1.

Prihvata se preporuka Komisije za provođenje postupka javne nabavke Zajedničke službe Parlamenta Federacije Bosne i Hercegovine iz Zapisnika o pregledu i ocjeni ponuda, broj: 01/c,02/c-11-1044/25-3 od 27.5.2025. i 2.6.2025. godine i ugovor za javnu nabavku i montažu lifta za osobe s invaliditetom za potrebe Parlamenta Federacije Bosne i Hercegovine se dodjeljuje ponuđaču **LIFTMONT d.o.o. Sarajevo**, Milana Preloga 17, 71000 Sarajevo, IDB 4202652050006 s konačnom cijenom bez PDV-a u iznosu od 27.950,00 KM, kao ponuđaču koji je ponudio najnižu cijenu.

Član 2.

Izabrani ponuđač dužan je dostaviti dokaze o kvalificiranosti u pogledu lične sposobnosti u roku od tri (3) dana od dana prijema obavještenja o izboru najpovoljnijeg ponuđača, prema tački 3.1. Tenderske dokumentacije za nabavku i montažu lifta za osobe s invaliditetom za Parlament Federacije BiH, broj: 01/c,02/c-11-1044/25 od 15.5.2025. godine.

U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ugovor će se dodijeliti drugorangiranom ponuđaču.

Član 3.

Prijedlog ugovora o nabavci dostavit će se na potpis izabranom ponuđaču **LIFTMONT d.o.o. Sarajevo** nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova odluka objavit će se na web-stranici Parlamenta Federacije Bosne i Hercegovine, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

off. porta sa povratnicom
03.06.2025

Obrazloženje

Komisija za provođenje postupka javne nabavke Zajedničke službe Parlamenta Federacije Bosne i Hercegovine imenovana je Rješenjem broj: 01/c,02/c-11-554/25 od 21.2.2025. godine. Postupak javne nabavke pokrenut je Odlukom o provođenju postupka nabavke lifta za pristup invalidima broj: 01/c,02/c-11-1044/25 od 6.5.2025. godine. Procijenjena vrijednost javne nabavke je 49.900,00 KM bez PDV-a. Javna nabavka je provedena putem konkurentskog zahtjeva za dostavu ponuda.

Obavještenje o nabavci broj: 56-7-1-36-3-12/25 objavljeno je na Portalu javnih nabavki 15.5.2025. godine i isti dan upućeno na objavu u Službeni glasnik BiH.

Na navedeni zahtjev za dostavu ponuda blagovremeno su pristigle četiri ponude. Komisija je, 27.5.2025. godine u 10.30 sati izvršila javno otvaranje ponuda o čemu je sačinila Zapisnik o otvaranju ponuda i zajedno sa Zapisnikom o zaprimanju ponuda uputila ga svim ponuđačima. Na sjednici održanoj 27.5.2025. godine u periodu od 16.00 -17.15 sati, Komisija je izvršila pregled i ocjenu dostavljenih ponuda kako slijedi:

1) Ponuda **DVG ALM COMPANY d.o.o. Sarajevo** se odbija kao nepravilna iz sljedećeg razloga: uvidom na stranu 20. ponude, ponuđač je dostavio ovjerenu kopiju Potvrde o urednom izvršenju ugovora izdanu od firme SELA d.o.o. Sarajevo od 17.7.2022.godine. Uvidom u potvrdu zaključuje se da je DVG-ALM Company d.o.o. Sarajevo realizovala poslove u vrijednosti od 130.531,05 KM na osnovu okvirnog sporazuma br.121-1110-OS o poslovnoj saradnji za projektovanje, isporuku, montažu i održavanje liftova na javnim objektima u Kantonu Sarajevo. U nastavku potvrde konstatovano je da su ugovori realizovani na objektima OŠ Mirsad Prnjavorac, OŠ Mustafa Busuladžić i Srednja saobraćajna škola Velešići. Nakon ocjene i analize konstatovano je da dostavljena potvrda nije u skladu sa tenderskom dokumentacijom i članom 48. Zakona o javnim nabavkama iz sljedećih razloga:

- a) iz dostavljene potvrde ne može se utvrditi šta je predmet ugovora,
- b) ne može se utvrditi vrijednost zaključenog ugovora,
- c) ne može se utvrditi vrijeme i mjesto izvršenja ugovora,

Iz dostavljene potvrde na osnovu okvirnog sporazuma ne može se utvrditi koja usluga ili roba je izvršena i u kojem iznosu, ne može se utvrditi da je predmet ugovora bila isporuka i montaža lifta. Dostavljena potvrda je u suprotnosti sa tenderskom dokumentacijom i Zakonom o javnim nabavkama.

Shodno naprijed navedenom, Komisija je ponudu ponuđača DVG ALM COMPANY d.o.o. Sarajevo ocijenila kao nepravilnu jer nije u skladu sa tenderskom dokumentacijom.

2) Komisija je ponude tri ponuđača: **EURO PROST d.o.o. Gračanica, ORTOPEDIJA INTERNATIONAL d.o.o. Sarajevo i LIFTMONT d.o.o. Sarajevo**, nakon pregleda i ocjene ponuda ocijenila prihvatljivim.

Nakon završene e –Aukcije koja je zakazana za 2.6.2025. godine i trajala u periodu od 10:00 sati do 10:25 sati, a u skladu sa članom 7. stav (4) Pravilnika o uslovima i načinu i korištenja e –Aukcije, sistem e-nabavke je dostavio Izvješće o toku i završetku e-Aukciji sa konačnom rang listom ponuđača kako slijedi:

1. LIFTMONT d.o.o. Sarajevo, IDB 4202652050006 s konačnom cijenom bez PDV-a u iznosu od 27.950,00 KM (procenat umanjenja 43,99%),
2. EURO PROST d.o.o. Gračanica, IDB 4209056460005 s konačnom cijenom bez PDV-a u iznosu od 28.000,00 KM (procenat umanjenja 43,89%),
3. ORTOPEDIJA INTERNATIONAL d.o.o. Sarajevo, IDB 4200532240003 s konačnom cijenom bez PDV-a u iznosu od 44.802,00 KM (procenat umanjenja 10,22%).

Komisija je dostavila je 3.6.2025. godine tajniku Zastupničkog doma i državnoj službenici koja obavlja poslove iz nadležnosti sekretara Doma naroda Zapisnik o pregledu i ocjeni ponuda broj: 01/c,02/c-11-1044/25-3 od 27.5.2025. i 2.6.2025. godine koji istovremeno predstavlja i preporuku Komisije o izboru najpovoljnijeg ponuđača za nabavku i monatažu lifta za osobe s invaliditetom za Parlament Federacije Bosne i Hercegovine, radi donošenja Odluke o izboru najpovoljnijeg ponuđača.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranih ponuđača te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka, tajnik Zastupničkog doma i državna službenica koja obavlja poslove iz nadležnosti sekretara Doma naroda nisu našli razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za provođenje postupaka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stava (1) tačka b) i člana 70. Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, koji ne može biti manji od tri.

Dostavljeno:

- tajnik Zastupničkog doma,
- v.d. sekretara Doma naroda,
- EURO PROST d.o.o. Gračanica, Srednja Miričina bb, 75320 Gračanica,
- ORTOPEDIJA INTERNATIONAL d.o.o. Sarajevo, Salke Lagumdžije 12, Sarajevo,
- LIFTMONT d.o.o. Sarajevo, Milana Preloga 17, Sarajevo,
- DVG ALM COMPANY d.o.o. Sarajevo, Nedima Filipovića bb, Sarajevo,
- Komisija za provođenja postupka javne nabavke Zajedničke službe,
- Odsjek za računovodstvo, financije i proračun, a/a.



**TAJNIK
ZASTUPNIČKOG DOMA**

Ivan Miličević

**DRŽAVNA SLUŽBENICA KOJA
OBAVLJA POSLOVE IZ NADLEŽNOSTI
SEKRETARA DOMA NARODA**

Aida Hadžić-Salkić

